



SLUŽBENI GLASNIK GRADA BIHAĆA

Broj 1 / 2023.

30. januar 2023.
BIHAĆ

Izdanje na bosanskom
jeziku

1.

Na osnovu člana 29. stav 1. tačka 7. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“ broj: 39/03, 22/06 i 43/10), člana 32. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“ broj: 77/06 i 05/07) i člana 14. tačka d) Odluke o organiziranju i funkcioniranju zaštite i spašavanja ljudi i materijalnih dobara od prirodnih i drugih nesreća na području grada Bihaća („Službeni glasnik Grada Bihaća“, broj: 6/16), na prijedlog Gradskog štaba civilne zaštite Grada Bihaća, na vanrednoj sjednici od 12/12/2022. godine, vršilac dužnosti Gradonačelnika donosi

ODLUKU

O PROGLAŠENJU STANJA PRIRODNE NESREĆE (POPLAVA)

Član 1.

Zbog nepovoljnih hidrometeoroloških uslova, povećane ugroženosti ljudi i materijalnih dobara, te poduzimanja hitnih i drugih mjera zaštite i spašavanja vršilac dužnosti Gradonačelnika Grada Bihaća proglašava stanje prirodne i druge nesreće „poplava“, dana 12/12/2022. godine u 12,00 sati.

Član 2.

Na zadacima zaštite i spašavanja angažirati:

1. Služba civilne zaštite – Odsjek za zaštitu i spašavanje i Vatrogasna jedinica.
2. Ostale službe Gradskog organa uprave.
3. Javna preduzeća i ustanove kojima je osnivač Grad Bihać (JKP „Komrad“ d.o.o. Bihać, JP „Vodovod“ d.o.o. Bihać, JP „Veterinarska stanica“ d.o.o. Bihać, JU „Zavod za prostorno uređenje Bihać“ i ZU „Dom zdravlja“ Bihać):
4. Službe zaštite i spašavanja osnovane u javnim preduzećima i ustanovama.
5. Jedinice specijalizirane namjene za spašavanje na vodi i pod vodom,
6. Ostale strukture civilne zaštite po naredbama Gradskog štaba,
7. Ostala potrebna pravna lica, humanitarne organizacije i udruženja građana po naredbama Gradskog štaba CZ Bihać.

Član 3.

Troškovi koji nastanu angažovanjem ljudi, materijalno tehničkih sredstava i opreme privrednih društava i građana u toku provođenja akcije zaštite i spašavanja od strane Gradskog Štaba civilne zaštite, Službi zaštite i spašavanja i drugih snaga u toku akcija zaštite i spašavanja, pokrit će se iz redovnih

budžetskih sredstava Grada Bihaća planiranih za zaštitu i spašavanje od prirodnih i drugih nesreća u skladu sa Zakonom o zaštiti i spašavanju od prirodnih i drugih nesreća („Službene novine Federacije BiH“ broj: 39/03, 22/06 i 43/10), sredstava posebne naknade za zaštitu i spašavanje prikupljenih na posebnom transakcijskom računu budžeta Grada Bihaća u skladu sa Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća. („Službene novine Federacije BiH“ broj: 04/12 i 80/13).

Član 4.

Ova Odluka stupa na snagu danom donošenja i objavit će se u „Službenom glasniku Grada Bihaća“.

Broj: 01-40-6706/22
Bihać, 12.12.2022. godine

Vršilac dužnosti
Gradonačelnika
Jasmina Ćoralić, s.r.

2.

Na osnovu člana 29. tačka 7. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“ br. 39/03, 22/06 i 43/10), člana 33. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“ br. 77/06 i 05/07), i člana 52. stav 1. alineja c) Statuta Grada Bihaća („Službeni glasnik Grada Bihaća“ br. 13/15, 13/18), na prijedlog Gradskog štaba civilne zaštite, vršilac dužnosti Gradonačelnika, donosi:

ODLUKU

O PRESTANKU STANJA PRIRODNE NESREĆE „POPLAVA“

I

Stavlja se van snage Odluka o proglašenju stanja prirodne nesreće „poplava“ na području grada Bihaća broj: 01/40-6706/22 od od 12/12/2022. godine.

II

Stanje ove prirodne nesreće prestaje zaključno sa 27/12/2022. godine u 12,00 sati.

III

Prestankom stanja prirodne i druge nesreće prestaje potreba za radom Gradskog štaba civilne zaštite.

IV

Prestankom stanja prirodne i druge nesreće prestaje potreba za angažovanem snaga na provođenju naređenih mjera zaštite i spašavanja, te su sva preduzeća, ustanove i drugi, u okviru svoje redovne djelatnosti, obavezni provoditi poslove zaštite od prirodnih i drugih nesreća.

V

Obavezuju se Gradske službe uprave, javna preduzeća, javne ustanove, udruženja građana i drugi nosioci poslova koji se u okviru svoje redovne djelatnosti bave zaštitom i spašavanjem da i dalje vrše dodatne poslove koji se odnose na otklanjanje posljedica koje su nastale poplavom.

VI

Obavezuje se Gradska komisija za procjenu šteta da organizira rad na procjeni i evidentiranju šteta u skladu sa Uredbom o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, br.75/04, 38/06, 52/09, 56/09 i 36/14), i izvrši procjenu šteta od poplava u Gradu Bihaću.

VII

Odluka stupa na snagu danom donošenja, a objavit će se putem sredstava javnog informisanja i u „Službenom glasniku Grada Bihaća“.

Broj: 01/ 40- 7179/22
Bihać, 27.12.2022. godine

Vršilac dužnosti
Gradonačelnika
Jasmina Ćoralić, s.r.

3.

Na osnovu člana 58. tačka d) i člana 66. stav (3) Statuta JP „Agencija za razvoj Grada Bihaća“ d.o.o. Bihać („Službeni glasnik Grada Bihaća broj 3/22), Nadzorni odbor JP „Agencija za razvoj Grada Bihaća“ d.o.o. Bihać na svojoj 2. redovnoj sjednici održanoj dana 16.01.2023. godine, donosi

ODLUKU

O IMENOVANJU DIREKTORA JP „AGENCIJA ZA RAZVOJ GRADA BIHAĆA“ D.O.O. BIHAĆ

Član 1.

Adi Bajčetić, dipl. ecc. iz Bihaća, imenuje

se za direktora JP „Agencija za razvoj Grada Bihaća“ d.o.o. Bihać na mandatni period u trajanju od 4 (četiri) godine, s mogućnošću ponovnog imenovanja. Imenovani stupa na dužnost danom donošenja ove Odluke.

Član 2.

Na osnovu ove Odluke, Nadzorni odbor JP „Agencija za razvoj Grada Bihaća“ d.o.o. Bihać će sa imenovanim iz člana 1. Ove Odluke zaključiti Ugovor o radu, položaju, ovlaštenjima, odgovornostima i pravima direktora JP „Agencija za razvoj Grada Bihaća“ d.o.o. Bihać, u skladu sa članom 74. Statuta JP „Agencija za razvoj Grada Bihaća“ d.o.o. Bihać („Službeni glasnik Grada Bihaća broj 3/22).

Član 3.

Ova Odluka stupa na snagu danom donošenja i odmah se objavljuje u „Službenom glasniku Grada Bihaća“.

Broj: NO-03-04-4/23
Bihać, 16.01.2023. godine

Predsjednik
Nadzornog odbora
Haris Komić, s.r.

4.

Na osnovu člana 60. i 61. Zakona o budžetima u Federaciji („Službene novine Federacije Bosne i Hercegovine broj: 102/13, 9/14, 13/14, 8/15, 91/15 i 104/16, 5/18, 11/19 i 99/19 i 25/22), člana 15. Odluke o izvršavanju Budžeta Grada Bihaća za 2023.godinu („Službeni glasnik Grada Bihaća” broj: 15/22) i člana 142. Statuta Grada Bihaća („Službeni glasnik Grada Bihaća“ broj: 13/15, 13/18 i 12/22), vršilac dužnosti gradonačelnika Grada Bihaća, donosi:

PRAVILNIK

O UTVRĐIVANJU KRITERIJA ZA KORIŠTENJE SREDSTAVA IZ TEKUĆE REZERVE BUDŽETA GRADA BIHAĆA ZA 2023.GODINU

Član 1.

Pravilnikom o utvrđivanju kriterija za korištenje sredstava iz tekuće rezerve Budžeta Grada Bihaća (u daljnjem tekstu: Pravilnik) utvrđuju se: korisnici sredstava tekuće rezerve, postupak i način

ostvarivanja prava korisnika na sredstva iz tekuće rezerve, obim korištenja sredstava tekuće rezerve i postupak izvještavanja o odobrenim sredstvima tekuće rezerve utvrđene u Budžetu Grada Bihaća za 2023. godinu.

Član 2.

Pod sredstvima tekuće rezerve u smislu ovog Pravilnika podrazumjevaju se sredstva planirana u Budžetu Grada Bihaća za 2023. godinu na ekonomskom kodu 999999-Tekuća rezerva.

Član 3.

Sredstva tekuće rezerve mogu se odobriti budžetskim korisnicima i ostalim korisnicima (u daljem tekstu: korisnici sredstava).

Član 4.

(1) Pod budžetskim korisnicima u smislu ovog Pravilnika podrazumjevaju se budžetski korisnici koji su kao takvi definirani Odlukom o izvršenju Budžeta Grada Bihaća za 2023. godinu („Službeni glasnik Grada Bihaća” broj: 15/22).

(2) Pod ostalim korisnicima u smislu ovog Pravilnika podrazumjevaju se svi ostali korisnici koji nisu definisani u stavu (1) ovog člana.

Član 5.

(1) Sredstva tekuće rezerve mogu se odobriti za podmirenje hitnih i nepredviđenih rashoda i izdataka koji se pojave u toku budžetske godine.

(2) Pod hitnim rashodima i izdacima podrazumjevaju se rashodi i izdaci nastali usljed okolnosti na koje korisnici sredstava nisu mogli uticati, a mogu dovesti do ugrožavanja zdravlja ljudi, materijalnih dobara i funkcionisanja rada kod korisnika sredstava.

(3) Pod nepredviđenim rashodima i izdacima podrazumjevaju se rashodi i izdaci nastali zbog okolnosti koje korisnici sredstava nisu mogli predvidjeti na početku fiskalne godine, a od interesa su za Grad Bihaća.

(4) Sredstva tekuće rezerve ne mogu se koristiti za pozajmljivanje.

Član 6.

(1) Budžetskim korisnicima može se odobriti korištenje sredstava tekuće rezerve ukoliko sredstva po zahtjevu:

- a) nisu mogla biti predviđena tokom procesa planiranja ili izrade budžeta
- b) nisu mogla biti odložena za narednu godinu
- c) nisu mogla biti finansirana putem transfera ili preraspodjelom u okviru postojećeg razdjela budžetskog korisnika.

(2) Ostalim korisnicima, koji nisu definisani kao budžetski korisnici, može se odobriti korištenje sredstava tekuće rezerve u slučaju:

- a) sponzorstva ili pokroviteljstva, kada se kao sponzor ili pokrovitelj pojavljuje grad Bihać
- b) finansiranje materijalnih šteta koje su pojedincima prouzrokovane elementarnim nepogodama i drugim prirodnim nesrećama
- c) i drugih slučajeva kad gradonačelnik utvrdi opravdanim korištenje tekuće rezerve.

Član 7.

(1) Zahtjev za sredstvima iz tekuće rezerve Budžeta Grada Bihaća, budžetski korisnik dostavlja gradonačelniku u pismenoj formi navodeći:

- a) razloge i opravdanje zahtjeva
 - b) traženi iznos, i na osnovu čega je iznos izračunat
 - c) objašnjenje zašto je zahtjev hitan i nije se mogao predvidjeti
 - d) objašnjenje zašto dodatna sredstva ne mogu da budu uzeta iz postojećeg budžeta budžetskog korisnika
 - e) očekivani rezultati koji se žele postići korištenjem dodatnih sredstava
 - f) plan potrošnje.
- (2) O zahtjevima iz stava (1) ovog člana odlučuje gradonačelnik zaključkom.

Član 8.

Zahtjevi iz člana (8) ovog Pravilnika treba da sadrže minimalno slijedeću dokumentaciju:

- a) Ugovor o transakcijskom ili tekućem računu podnosioca zahtjeva
- b) kopiju ličnog dokumenta, ukoliko se radi o fizičkom licu, ili kopiju ID broja ukoliko se radi o pravnom licu
- c) dokaz o opravdanosti podnesenog zahtjeva.

Član 9.

(1) Korisnici sredstava tekuće rezerve u pojedinačnom iznosu preko 1.000,00 KM (slovima: jednahiljada konvertibilnihmaraka) dužni su u

roku od 30 dana od dana isplate odnosno utroška sredstava, dostaviti izvještaj o utrošku sredstava gradonačelniku Grada Bihaća.

(2) Služba za finansije, privredu i poljoprivredu obavezna je mjesečno izvještavati gradonačelnika o korištenju sredstava tekuće rezerve.

(3) Gradonačelnik polugodišnje izvještava Gradsko vijeće o korištenju sredstava tekuće rezerve.

(4) Gradonačelnik je dužan po godišnjem obračunu u okviru izvještaja o izvršavanju budžeta informisati Gradsko vijeće o utrošku sredstava iz ovog člana.

(5) Korisnicima sredstava tekuće rezerve sredstva se mogu odobriti samo jednom u toku budžetske godine.

Član 10.

Ovaj Pravilnik stupa na snagu sljedećeg dana od dana objavljivanja u Službenom glasniku Grada Bihaća.

Vršilac dužnosti
Gradonačelnika
Broj: 08/1-11-58
Bihać, 10.01.2023. godine Jasmina Čoralić, s.r.

5.

Na osnovu člana 27. Zakona o lokalnoj samoupravi Unsko-sanskog kantona ("Službeni glasnik Unsko-sanskog kantona" broj: 8/11) i člana 142. Statuta Grada Bihaća ("Službeni glasnik Grada Bihaća" broj 13/15, 13/18 i 12/22), vršilac dužnosti gradonačelnika Grada Bihaća, donosi:

PRAVILNIK

O UTVRĐIVANJU KRITERIJA ZA KORIŠTENJE SREDSTAVA PLANIRANIH BUDŽETOM GRADA BIHAĆA ZA 2023. GODINU NA TEKUĆEM GRANTU „HITNE INTERVENCIJE U MJESNIM ZAJEDNICAMA“

Član 1.

Ovim Pravilnikom utvrđuju se korisnici sredstava, kriteriji, način i postupak za dodjelu finansijskih sredstava utvrđenih u Budžetu Grada Bihaća za 2023. godinu na tekućem grantu „Hitne intervencije u mjesnim zajednicama“, ekonomski kod 614115, planirane kod Službe za poslove kabineta i mjesne zajednice.

Član 2.

Pravo na dodjelu sredstava planiranih u Budžetu Grada Bihaća za 2023. godinu iz tačke 1. ovog Pravilnika imaju mjesne zajednice Grada Bihaća upisane u Registar mjesnih zajednica koji se vodi kod Službe za poslove kabineta i mjesne zajednice.

Član 3.

Sredstva se mogu odobriti mjesnim zajednicama za podmirenje hitnih i nepredviđenih rashoda i izdataka koji se pojave u toku budžetske godine, zbog okolnosti na koje korisnici sredstava nisu mogli uticati, a mogu dovesti do ugrožavanja zdravlja ljudi, materijalnih dobara i funkcionisanja rada.

Član 4.

Sredstava za hitne intervencije iz tekućeg granta mogu se odobriti za:

- a) potrebne sanacije u mjesnim zajednicama
- b) projekte uređenja, obnove i zaštite objekata mjesnih zajednica
- c) drugim slučajevima za koje gradonačelnik utvrdi da su od interesa za Grad Bihać i mjesnu zajednicu.

Član 5.

(1) Zahtjev za dodjelu sredstava iz tekućeg granta „Hitne intervencije u mjesnim zajednicama” Budžeta Grada Bihaća obavezno se dostavlja u pismenoj formi uz obrazloženje u kojem se navode:

- a) razlozi i obrazloženje zahtjeva
- b) iznos sredstava i na osnovu čega je isti izračunat, uz priloženi predračun ili predmjer radova
- c) dokaz o opravdanosti podnesenog zahtjeva uz obrazloženje zašto je zahtjev hitan i da li se je hitna intervencija mogla predvidjeti
- d) lični dokumenat, ukoliko se radi o fizičkom licu ili ID broja ukoliko se radi o pravnom licu (kopija) i
- e) očekivani rezultati koji se žele postići korištenjem dodjeljenih sredstava.

(2) Odobravanje sredstava vrši gradonačelnik pojedinačnim Zaključkom.

Član 6.

(1) Korisnici sredstava u pojedinačnom iznosu do 1.000,00 KM (slovima: hiljadu konvertibilnih maraka) dužni su u roku od 30 dana od dana isplate odnosno utroška sredstava, dostaviti izvještaj o

utrošku sredstava gradonačelniku Grada Bihaća putem Službe za poslove kabineta i mjesne zajednice.

(2) Za korisnike sredstava u pojedinačnom iznosu većem od 1.000,00 KM (slovima: hiljadu konvertibilnih maraka) nadležna Služba za poslove kabineta i mjesne zajednice je obavezna provesti proceduru javnih nabavki.

(3) Korisnicima sredstava može se samo jednom u toku jedne budžetske godine odobriti sredstva.

Član 7.

Ovaj Pravilnik stupa na snagu 8 (osmog) dana od dana objavljivanja u “Službenom glasniku Grada Bihaća.

Vršilac dužnosti
Gradonačelnika
Jasmina Čoralić, s.r.

Broj: 08/2-11-59
Bihać, 10.01.2023. godine

6.

Na osnovu člana 27. Zakona o lokalnoj samoupravi Unsko-sanskog kantona (“Službeni glasnik USK” broj 8/11) i člana 142. Statuta Grada Bihaća (“Službeni glasnik Grada Bihaća” broj: 13/15 i 13/18, 12/22) Vršilac dužnosti gradonačelnika Grada Bihaća, donosi

PRAVILNIK**O NAČINU I POSTUPKU DODJELE
SREDSTAVA ZA PROJEKT “BIHAĆ GRAD
DJECE”****Član 1.****(Predmet)**

Ovim Pravilnikom utvrđuje se način i postupak dodjele sredstava planiranih u Budžetu Grada Bihaća sa Tekućeg granta ostalim neprofitnim organizacijama - Projekat “Bihać grad djece”.

Član 2.**(Ciljevi)**

(1) Osnovni Cilj ovog Pravilnika je osiguranje transparentnog korištenja sredstava namijenjenih u Budžetu za zadovoljavanje potreba djece u relevantnim sektorima i uspostavljanje monitoringa.

(2) Posebni ciljevi su:

- a) podrška radu udruženja koja se bave

zaštitom djece bez roditeljskog staranja, bolesne djece, djece sa poteškoćama u razvoju i sl., i

b) podrška radu dječijih vrtića sa sjedištem na području grada Bihaća.

Član 3. (Korisnici)

Korisnici sredstava iz člana 1. ovog Pravilnika su:

a) udruženja koja rade sa djecom bez roditeljskog staranja, bolesnom djecom, djecom sa poteškoćama u razvoju i sl., a imaju sjedište na području Grada Bihaća, kao i udruženja koja imaju sjedište izvan Grada Bihaća, a zbrinjavaju, odnosno prihvataju djecu koja dolaze sa područja Grada Bihaća i

b) dječiji vrtići sa sjedištem na području grada Bihaća.

Član 4. (Visina sredstava)

Sredstva iz člana 1. ovog Pravilnika dijele se ravnomjerno na dio sredstva namijenjenih za rad udruženja za rad sa djecom i dio sredstava namijenjenih za podršku radu dječijih vrtića.

Član 5. (Javni poziv)

(1) Sredstva iz člana 1. ovog Pravilnika dodjeljuju se putem javnog poziva.

(2) Javni poziv objavljuje se na web stranici Grada Bihaća, na Oglasnoj ploči i na drugi pogodan način.

(3) Javni poziv objavljuje se odvojeno za udruženja za rad sa djecom i za dječije vrtiće.

(4) Javni poziv sadrži sljedeće podatke:

a) naziv organa koji raspisuje javni poziv,

b) iznos sredstava planiranih u Budžetu za Projekat Bihać grad djece u tekućoj budžetskoj godini sa naznakom visine sredstava namijenjenih za udruženja za rad sa djecom, odnosno visine sredstava za podršku radu dječijih vrtića,

c) podatke o pravu učešća na javnom pozivu,

d) podatke o preuzimanju obrazaca, uputstvima za popunjavanje i predaju prijava,

e) period realizacije aktivnosti,

f) rok za dostavljanje prijava na javni poziv,

g) rokove i način objavljivanja rezultata provedenog javnog poziva,

h) druge podatke od značaja za tačno i potpuno informisanje potencijalnih učesnika u javnom pozivu.

Član 6. (Prijava)

(1) Prijava na javni poziv za dodjelu sredstava podnosi se isključivo na obrascu za dodjelu finansijskih sredstava koji sadrži informacije o podnosiocu zahtjeva, cilju i opisu planiranih aktivnosti, korisnicima, aktivnostima, budžetu i vidljivosti, odnosno promociji aktivnosti.

(2) Uz prijavu prilaže se sljedeća potrebna dokumentacija:

- pregled budžeta,

- rješenje o registraciji,

- uvjerenje o poreznoj registraciji,

- transakcijski račun (kopija ugovora sa bankom ili potvrda banke).

(3) Prijava na javni poziv podnosi se putem pošte, u zatvorenoj koverti, na adresu: Grad Bihać, Ulica Bosanska broj 4, sa naznakom: "Projekat Bihać-grad djece- Prijava za dodjelu sredstava", a može se podnijeti i neposrednom predajom ovlaštenom službeniku za prijem podnesaka u Centru za pružanje usluga građanima (šalter-sala) Grada Bihaća.

(4) Obrazac za podnošenje prijave za dodjelu sredstava Grad osigurava svim zainteresiranim udruženjima koja žele aplicirati na javni poziv putem zvanične web-stranice grada www.bihac.org.

(5) Prijava se podnosi u roku od 15 dana od dana objavljivanja javnog poziva.

Član 7. (Odobrovanje sredstava)

(1) Prijave na javni poziv otvara i razmatra Komisija za realizaciju Projekta Bihać-grad djece koju imenuje Gradonačelnik.

(2) Komisija sastavlja izvještaj o rezultatima Javnog poziva i dostavlja ga Službi za opću upravu i društvene djelatnosti.

(3) Odobrovanje sredstava planiranih u Budžetu grada vrši Gradonačelnik pojedinačnim zaključkom na prijedlog Službe za opću upravu i društvene djelatnosti Grada Bihaća.

Član 8. **(Realizacija)**

(1) O realizaciji Zaključka stara se Služba za opću upravu i društvene djelatnosti i Služba za finansije, privredu i poljoprivredu.

(2) Korisnici sredstava dužni su Službi za opću upravu i društvene djelatnosti dostaviti Izvještaj o namjenskom utrošku budžetskih sredstava uz odgovarajuću dokumentaciju, pozivajući se na broj Zaključka o isplati.

(3) Korisnicima sredstava, sredstva se mogu odobriti samo jednom u toku budžetske godine.

(4) Sredstva se neće dodijeliti korisnicima koji nisu opravdali namjenski utrošak budžetskih sredstava za prethodnu budžetsku godinu.

Član 9. **(Stupanje na snagu)**

Ovaj Pravilnik stupa na snagu osmog dana od dana objavljivanja u "Službenom glasniku Grada Bihaća".

Broj: 07/2-11-350
Bihać, 30.01.2023. godine

Vršilac dužnosti
Gradonačelnika
Jasmina Ćoralić, s.r.

7.

Na osnovu člana 27. Zakona o lokalnoj samoupravi Unsko-sanskog kantona („Službeni glasnik USK-a“ broj: 8/11) i člana 142. Statuta Grada Bihaća („Službeni glasnik Grada Bihaća“ broj 13/15, 13/18 i 12/22), vršilac dužnosti gradonačelnika Grada Bihaća donosi:

UPUTSTVO

O NAČINU KORIŠTENJA SREDSTAVA PLANIRANIH BUDŽETOM GRADA BIHAĆA ZA 2023. GODINU NA TEKUĆEM GRANTU ZA UDRUŽENJA

Član 1.

Ovim Uputstvom regulira se pravo, uslovi i način korištenja sredstava planiranih u Budžetu Grada Bihaća za 2023. godinu, na razdjelu 07/7007000- Služba za poslove kabineta i mjesne zajednice, ekonomski kod: 614311- Tekući grant za udruženja“.

Član 2.

Pravo na dodjelu sredstava iz člana 1. ovog

Uputstva imaju udruženja upisana u Registar udruženja i fondacija u skladu s Ustavom i zakonima Bosne i Hercegovine.

Član 3.

Sredstva se mogu odobriti za podmirenje troškova potrebnih za organizaciju i realizaciju programa i projekata od javnog interesa udruženja, odnosno za potrebe finansijske podrške u ostvarivanju ciljeva i djelatnosti samog udruženja, a po podnesenom pismenom zahtjevu kojeg odobrava gradonačelnik Grada Bihaća.

Član 4.

(1) Zahtjev za dodjelu sredstava sa tekućeg granta „614311- Tekući grant za udruženja“ Budžeta Grada Bihaća za 2023. godinu obavezno se dostavlja u pismenoj formi i isti mora biti obrazložen u smislu navođenja razloga za podnošenje zahtjeva, te preciziran u smislu iznosa sredstava potrebnih za organizaciju i realizaciju programa, projekta, ciljeva ili djelatnosti udruženja.

Uz zahtjev, korisnici su obavezni priložiti:

- fotokopiju dokaza o registraciji udruženja
- fotokopiju ugovora o transakcijskom ili

tekućem računu podnosioca zahtjeva.

(2) Odobravanje sredstava vrši gradonačelnik pojedinačnim Zaključkom.

Član 5.

(1) Maksimalan iznos sredstava koji se može odobriti udruženju po podnesenom zahtjevu utvrđuje se u pojedinačnom iznosu od 1.000,00 KM (slovima: jednahiljadakonvertibilnihmaraka)

(2) Korisnik odobrenih sredstava u pojedinačnom iznosu preko 500,00 KM (slovima: petstotina konvertibilnih maraka) dužan je u roku od 30 dana od dana isplate odnosno utroška sredstava, dostaviti izvještaj o utrošku sredstava gradonačelniku Grada Bihaća.

(3) Korisnicima sredstava se ista mogu odobriti samo jednom u toku budžetske godine.

Član 6.

Ovo Uputstvo stupa na snagu danom donošenja, a objavit će se u "Službenom glasniku Grada Bihaća.

Broj: 08/1-11-133
Bihać, 12.01.2023. godine

Vršilac dužnosti
Gradonačelnika
Jasmina Ćoralić, s.r.

S A D R Ź A J

1. Odluka o proglašenju stanja prirodne nesreće (poplava)	1	5. Pravilnik o utvrđivanju kriterija za korištenje sredstava planiranih Budžetom Grada Bihaća za 2023. godinu na tekućem grantu „Hitne intervencije u Mjesnim zajednicama“	4
2. Odluka o prestanku stanja prirodne nesreće „POPLAVA“	2	6. Pravilnik o načinu i postupku dodjele sredstava za Projekt “Bihać grad djece	5
3. Odluka o imenovanju direktora JP „Agencija za razvoj Grada Bihaća“ d.o.o. Bihać	2	7. Uputstvo o načinu korištenja sredstava planiranih Budžetom Grada Bihaća za 2023. godinu na tekućem grantu za udruženja	7
4. Pravilnik o utvrđivanju kriterija za korištenje sredstava iz tekuće rezerve Budžeta Grada Bihaća za 2023.godinu	3		